



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-472-6/25– AA/JH
Tuzla, 26.03.2025. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 9/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i preporuke Komisije za provođenje postupka ugovaranja usluga skrininga zuba kod djece upisane u prvi razred za 2025. godinu, donosi se

O D L U K A
o izboru ponuđača u postupku nabavke usluga
skrininga zuba kod djece upisane u prvi razred za 2025. godinu

I

Cijeneći Preporuku Komisije u postupku ugovaranja usluga skrininga zuba kod djece upisane u prvi razred za 2025. godinu, za koje je na Portalu javnih nabavki objavljeno Obavještenje o nabavci usluge iz Aneksa II broj: 793-9-2-6-22-48/25 od 13.03.2025. godine, bira se ponuđač JZU Dom zdravlja Čelić.

II

Finansiranje će se vršiti na osnovu Modela 3 iz člana 12. stav (1) tačka c) Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2025. godinu („Službene novine TK“ broj: 1/25).

III

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona za zaključivanje Ugovora i usvajanjem Odluke Upravnog odbora Zavoda zdravstvenog osiguranja TK o davanju saglasnosti na zaključivanje Ugovora, ovaj Ugovorni organ će sa izabranim ponuđačem zaključiti Ugovor o realizaciji usluga skrininga zuba kod djece upisane u prvi razred za 2025. godinu.

IV

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem učesniku u predmetnom postupku.

V

Ova Odluka stupa na snagu danom donošenja.

OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2025. godinu („Službene novine TK“ broj: 1/25), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Saglasnosti Ministarstva zdravstva TK broj: 13/1-33-36561/24 od 25.12.2024. godine, dana 13.03.2025. godine objavljen je Javni poziv za dostavu ponuda za ugovaranje usluga skrininga zuba kod djece upisane u prvi razred 2025. godine broj: 03-11-1-472-2/25-JE/JH.

Predmet nabavke su usluge skrininga zuba kod djece upisane u prvi razred sa područja općina: Čelić, Kalesija, Sapna i Teočak.

Ponudu za ugovaranje usluge skrininga zuba kod djece upisane u prvi razred za 2025. godinu su do utvrđenog krajnjeg roka dostavili sljedeći ponuđači:

1. JZU Dom zdravlja Kalesija,
2. JZU Dom zdravlja Čelić.

Uvidom u navedene ponude utvrđeno je slijedeće:

1. JZU Dom zdravlja Kalesija – ponuda ocjenjena kao nepravilna.

Ponuda nije dostavljena u skladu sa tačkom 9. predmetnog Javnog poziva, odnosno nije uvezana na način kako je to navedeno u pomenutoj tački Javnog poziva. Stranice ponude nisu numerisane.

2. JZU DZ Čelić - ponuda ocjenjena kao prihvatljiva.

Također, utvrđeno je da su oba ponuđača prihvatila cijenu pružanja usluga od 15 KM, a koja je u skladu sa odlukom Upravnog odbora Zavoda utvrđena kao maksimalna.

U skladu sa navedenim, postupajuća Komisija je dala preporuku Ugovornom organu da se ugovor dodijeli ponuđaču kao u dispozitivu ove Odluke.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.


U postupku je procijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom. Cijeneći naprijed navedeno, odlučeno je kao u dispozitivu ove Odluke.

UPUTSTVO O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema ove Odluke.

Dostavljeno:

- Ponuđaču (e-mail)



DIREKTOR

Doc.dr.sc. Denis Husić, dipl. pravnik